

**Broj: 02-11-498-13/25**

**Datum: 27.11.2025. godine**

Na osnovu člana 70. st. (1) i (3) i člana 72. stav (3) tačka a), a u vezi sa članom 89. stav (1) Zakona o javnim nabavkama ("Službeni glasnik Bosne i Hercegovine", br: 39/14, 59/22 i 50/24), i preporuke Komisije za provođenje konkurentskog postupka javne nabavke usluga – pripreme, grafičke obrade i štampanja "Službenih novina Tuzlanskog kantona" u toku 2026. godine date u Zapisniku, broj: 02-11-498-10/25 od 18.11.2025. godine, sekretar Skupštine Tuzlanskog kantona donosi

### **ODLUKU**

#### **o poništenju Odluke o izboru najpovoljnijeg ponuđača i dodjeli Okvirnog sporazuma drugorangiranom ponuđaču**

##### **I.**

Poništava se Odluka o izboru najpovoljnijeg ponuđača za nabavku usluga - pripreme, grafičke obrade i štampanje "Službenih novina Tuzlanskog kantona" u toku 2026. godine kojom je dodijeljen Okvirni sporazum na period od jedne godine ponuđaču „GRAFIČAR” d.o.o Bihac sa konačnom cijenom u iznosu od 28.900,00 KM bez PDV nakon provedene e-Aukcije, jer nije dostavio dokaze o ispunjavanju uslova traženih tenderskom dokumentacijom.

##### **II.**

Prihvata se preporuka Komisije za provođenje konkurentskog postupka javne nabavke usluga – pripreme, grafičke obrade i štampanja "Službenih novina Tuzlanskog kantona" u toku 2026. godine data u Zapisniku, broj: 02-11-498-12/25 od 18.11.2025. godine i dodjeljuje se Okvirni sporazum za provođenje konkurentskog postupka javne nabavke usluga – pripreme, grafičke obrade i štampanja "Službenih novina Tuzlanskog kantona" u toku 2026. godine drugorangiranom ponuđaču "HARFO-GRAF" d.o.o. Tuzla, koji je dostavio potpunu, tehnički zadovoljavajuću ponudu broj: 7-13/25 od 27.10.2025. godine, zaprimljenu pod brojem: 02-11-498-4/25 od 27.10.2025. godine, sa konačnom cijenom od 28.950,00 KM bez PDV nakon provedene e-Aukcije.

##### **III.**

Okvirni sporazum o javnoj nabavci dostavit će se na potpis izabranom ponuđaču "HARFO-GRAF" d.o.o. Tuzla u roku od 10 dana, računajući od dana kada su svi ponuđači obaviješteni o izboru ponude.

Izabrani ponuđač je dužan u roku od pet dana od dana zaprimanja ove Odluke dostaviti dokumente zahtijevane tenderskom dokumentacijom iz članova 45. i 47. Zakona o javnim nabavkama.

U slučaju da izabrani ponuđač propusti u određenom roku dostaviti tražene dokumente, ovaj postupak javne nabavke biti će poništen.

IV.

Ova odluka stupa na snagu danom donošenja i objavit će se na internet stranici Skupštine Tuzlanskog kantona, te dostaviti ponuđačima koji su učestvovali u postupku javne nabavke.

V.

Sastavni dio ove odluke je Zapisnik o ocjeni ponuda broj: 02-11-498-12/25 od 18.11.2025. godine.

### OBRAZLOŽENJE

Ovom Odlukom poništava se Odluka o izboru najpovoljnijeg ponuđača, broj: 02-11-498-9/25 od 10.11.2025. godine kojom je Okvirni sporazum za nabavku usluga – pripreme, grafičke obrade i štampanja “Službenih novina Tuzlanskog kantona” u toku 2026. godine (na period od jedne godine), dodijeljen prvorangiranom ponuđaču „GRAFIČAR” d.o.o. Bihać, iz razloga što je navedeni ponuđač propustio da dostavi dokaze o ispunjavanju uslova iz člana 47. Zakona o javnim nabavkama, a što je traženo tenderskom dokumentacijom.

Komisija za provođenje konkurentskog postupka javne nabavke usluga – pripreme, grafičke obrade i štampanja “Službenih novina Tuzlanskog kantona” u toku 2026. godine je dana 18.11.2025. godine izvršila pregled naknadno dostavljenih dokumenata prvorangiranog ponuđača „GRAFIČAR” d.o.o. Bihać o ispunjavanju uslova iz članova 45. i 47. Zakona o javnim nabavkama.

Komisija je utvrdila da je ponuđač „GRAFIČAR” d.o.o. Bihać dostavio obrazac korigovanih cijena predmetnih usluga nakon e-Aukcije (Aneks 3 – Obrzac za cijenu ponude poslije e-Aukcije, kao i da je dostavio dokaze o ispunjavanju uslova iz člana 45. Zakona o javnim nabavkama, ali da nije dostavio dokaze o ispunjavanju uslova iz člana 47. Zakona o javnim nabavkama, odnosno nije dostavio potvrde od svih banaka kod kojih ima otvoren transakcijski račun i da isti u posljednjih šest mjeseci nije bio blokiran po osnovu plaćanja javnih prihoda (poreza i doprinosa) kako je to zahtijevano tenderskom dokumentacijom.

Komisija je preporučila da se u postupku javne nabavke Odluka o izboru najpovoljnijeg ponuđača, broj: 02-11-498-9/25 od 10.11.2025. godine, poništi, a da se Okvirni sporazum za nabavku usluga – pripreme, grafičke obrade i štampanja “Službenih novina Tuzlanskog kantona” u toku 2026. godine (na period od jedne godine), zaključi sa drugorangiranim ponuđačem „HARFO-GRAF” d.o.o. Tuzla sa konačnom cijenom u iznosu od 28.950,00 KM nakon provedene e-Aukcije.

U postupku ocjene provedenog postupka, nisu uočeni propusti niti nepravilnosti u radu koji bi eventualno bili osnov za neprihvatanje preporuke Komisije. Izbor ponuđača je izvršen u skladu sa Zakonom o javnim nabavkama, podzakonskim propisima i tenderskom dokumentacijom.

Shodno gore navedenom odlučeno je kao u dispozitivu ove odluke.

#### POUKA O PRAVNOM LIJEKU:

U skladu sa članom 101. stav (5) Zakona o javnim nabavkama protiv ove odluke može se izjaviti žalba ugovornom organu u roku od 5 dana od dana prijema ove odluke, na način propisan čl. 99. i 105. Zakona o javnim nabavkama.

Dostavljeno:  
1x Ponuđačima  
1x a/a



Sekretar  
Skupštine Tuzlanskog kantona  
*Enisa Hasanagić*  
Enisa Hasanagić